

中國方志叢書·華中地方·第七六〇號

據

清·王建中等修，劉繹等纂
清同治十三年刻本

影印

江 西 省

永豐縣志

(四)

成文出版社有限公司印行

文出郊垣首則公同印行

本書承
日本國會圖書館以所藏稿本借攝
謹誌並致謝忱

永豐縣志卷之二十五

人物志

義行

宋

陳大有字昌隆上羅人紹興間國用不給詔天下豪傑能以私囊助國用者受職大有盡以所蓄獻上授光祿丞不受高宗嘉其義手書一層樓三字賜之學士揭傒斯爲之記

徐德潤黃沙溪人與羅開禮生同年月日時志意亦相得甚後同開禮勤王督辦糧餉爲萬石長

唐瑞甫中沙人爲同里吳淑祥養子甚得歡心淑祥歿廬

墓三年後乃歸宗承遺命也

元

陳厥終泮右人元至太初年歲荒出粟二千石以助賑濟
勅爲義民陳祥卿亦泮右人同時以濟饑授散官

陳以清泮右人嘗捐千金修學宮名鐫碑石追念邑尉陳
自仁死難建旌忠閣於康王廟前祀之

徐文立黃沙溪人元末寇亂文立首出粟千石倡募義勇
捍衛鄉里有功授官萬戶有弓矢駿馬之賜

丁朝佐字君輔南坊人山人材任官春皇甫市巡檢廉能
有聲生平好義急公恩江有濟川渡邑人王輝割田四
百畝贍渡輝死後鬻半於朝佐朝佐捐歸贍渡倡修石

橋助數百金以贊其成人多德之明洪武間以子節貴
贈監察御史

鍾士章字平甫閬中人睦族賙貧嘗創書樓置三學館延
師教鄉曲子弟修造橋梁自羅富埠至石潁埠凡七所
恩江橋助修二石墩又捐田以奉宗祠祭祀曾巽申爲
作石潁橋記美之

明

范天柱東坊人洪武間輸粟賑濟詔旌義民

徐彥杞北坊廟背人輸粟賑饑宣德元年知縣題請旌爲
尙義

徐先得黃沙溪人正統五年歲饑詔勸民出粟賑濟先得

輸穀二千五百石有司以聞旌爲義民

羅修齡湖西人大盤山盜起朝廷命有司捕之修齡集鄉兵三百人具白粲百斛以從正統六年復輸穀二千五百石助賑勅旌爲義民

饒成彥饒助纏江人蕭煥珪社州人聶萬紀聶廉夫三都人楊子勗五都人李德宏藤田人郭輔友層山人吳篤範田心人徐先德三十一都人已上十人俱於正統六年各輸穀二千五十石助賑皆旌爲義民

按徐先德當卽前徐先得但黃沙溪屬三十二都此作三十一都此云正統六年輸穀二千五十石而先得則於五年輸穀二千五百石俱不符合仍並存之

以傳疑 新增

吳鼎宗字雲齋田心人有勇力好施與正統六年**賞兵**
勦大盤山賊屢獲首領當道獎其功者數次

邵鳳陽將軍人正統九年應詔出穀一千石助賑有司以
聞勅旌義民國子祭酒李時勉有記

邵旭將軍人正統間應詔出粟二千石助賑事聞於朝旌
爲義民

宋邦鉉滁溪人儀望曾祖應詔出粟一千石有司以聞旌
爲義民子魁昂亦應詔輸金授散官

陳宣珪西坊人景泰元年尙義輸粟授七品散官

徐孜敏徐士貴徐孜顏俱北坊廟前人景泰間輸粟助賑

三
皆旌爲義民

饒彝叙饒安靜俱樞江人天順二年各助穀二千五百石
人義倉旌爲義民

王時誠富坪人天順二年輸粟二千石於象山倉以備賑
濟奉勅嘉獎

趙孚頤石陂人天順間輸穀助賑奉旨建坊旌爲義民
陳貫璧泮右人天順間出穀二千石助賑有司以聞榮以
冠服陳英策英亮亦泮右人皆於成化間尙義賑濟
李宣旦李宣樂天順間北直大饑二人俱遣子買麥抵京
賑濟詔賜餘饌以衍祚額旌爲義民御史宋元端爲撰碑

記

黃若瓚井坑人成化二年歲大饑若瓚出米一千石助賑
有司以聞旌爲義民

劉賢字貫裕西坪人成化三年歲饑出粟助賑修葺學宮
西陽宮六一祠知縣強滿唐瑤俱以賓禮待之嘗從征
斷藤峽積寇晚年與耆老結社徜徉詩酒羅文毅書坦
庵扁贈之

鄒炫字元魁營前人忠臣瑾之派當瑾靖難後族屬零落
炫聚而教之費皆已出先世第宅爲豪右所侵倍金購
復建橋設廩以濟行旅有貧不能葬者輒備棺給之有
旅人卒於道瘞以棺後其父蹤跡其子炫告以處并歸
其囊金其父感泣願以金謝弗受時大參秦按部見之

云此老氣象泰然所養可知其後四世顯達人以爲修德之報

曾魁俊字寬毅龍潭人博士衮之父鍾東岑記其善行十條羅念菴謂其還金散粟諸事與高曾媲美

羅啟憲羅富溪人少食貧以授徒養親後積有餘貲卽建義倉周宗族置田贍學輸粟濟邊居喪不用浮屠妻亡義不再娶弟汝大令從羅倫遊領鄉薦

曾仁西坊人吳守恭三十一都人成化間俱輸粟助賑旌爲義民

王象俊字偉軒篠嶺人好善樂施代輸貧民之逋縣學宮秋隘應知縣王昂請捐金購地以廣之歲饑應知縣車

梁請捐金買粟以助賑其他寬佃免債之舉甚多後以
耆德受冠帶

邵澤將軍人成化間應詔出粟賑饑旌爲義官壽九十七
而終族人龍珠亦應詔輸粟旌爲義民

劉隆東湖人成化丙午輸粟五百石助賑有司以聞旌爲
義民

甯集吉藤田人成化丙午河南大饑集吉出粟助賑授冠
帶邑人傳詔羅奎皆有記子朝佐集鄉勇從御史俞璵
伍文定勦寇有功受旌

李敬詢祿江人成化二十三年出粟千石助賑旌爲義民
宏治五年捐銀壹千兩助修儒學知縣王昂給獎

習隙長瀧人正統景泰成化間三次輸粟賑濟旌爲義民
甯岳字集祉藤田人成化間出粟助賑授冠帶

張謙亨南坊人循禮好義宏正間邑中舉賑濟修城池創
鐘樓改學宮修祭器建敬一亭翊助之力居多

邵元保將軍人宏治間出粟賑饑旌爲義民

甯長字集賢藤田人好善樂施建橋梁十餘所費數千金
知縣王孝忠稱爲陰隲翁

謝珍字景儒坊人喆元孫宏治壬子鄉舉連中乙榜官
南陵訓導改東光陞國子監學錄性忠厚嘗爲族里周
困乏助喪葬比鄰有以女許人者旋欲背盟珍曲全之
有佃夫貸金來償逋珍視之偽物也不受佃以勢不能

從原王求易因欲自斃珍遂還其券及卒御史謝隋爲
作墓誌銘

徐近顏北坊廟背人慷慨好施輸穀賑濟宏治間知縣陳
廷臣獎以尙義

曾自勉村前人負奇氣有才畧正德間鄰寇蜂起廣東僉
憲王宏督師捕勦自勉率義兵迎之地方賴以無虞巡
按孫燧行保甲法知縣推自勉爲保長優以賓位王守
仁撫江西令有司擇富民能出粟以助軍餉者拜七品
散官自勉獨先輸粟聶貞襄爲文美之

王騰瑞舍下人邑庠生正德三年輸粟二千石賑饑勅封
英義郎賜以羊酒

徐郊北坊廟背人濟困掩骼施粟給棺其子昭亦有父風
俱舉鄉賓鄒守益聶豹並稱其賢

帥朝達龍洲人陳雍濠里人正德間均輸粟助賑旌爲義
民

李養能藤田人正德辛未流寇犯境養能以鄉勇斬馘有
功鄉人劉霖謝蒙選會與輩俱作詩美之

江珙字得寶東坊人正德十四年六月宸濠叛王守仁起
兵吉安郡守伍文定與珙定策火攻珙以吏員理中軍
事至鄱湖王家渡阻風不進珙仰天祝告忽得西南風
遂殺首賊黃永淳從賊劉金等十三人以功授河南斷
事

邵雅將軍人正德間應詔出粟給以冠帶

甯效吉蘇田人富而好義賙困恤急人假貸不能償輒焚券年踰四十尙無子效吉幡然曰積善可以回天後果生三子皆成立

甯朝泰藤田人正德間有司詣其家勸出粟助賑慨然指困賜冠帶不受

徐近璽北坊廟背人芳研子嘉靖元年捐百金修學宮復捐穀千石助賑又捐二百金建造郡城平理坊周典史胡巡檢死於官不能歸櫬皆厚以賻里人聶九鳳聘妻貧不能娶女父欲改適女不從近璽代備禮完娶徐迪甯子貽官艾只一鬻妻償逋並賴其力得全

吳迪逸字愛園田心人嘉靖壬午歲饑原餓殍莖道殣費數千金甲辰大旱出穀五百石以賑族鄰乙巳復旱又出穀一千二百石助賑次子思撫遇歲饑出賑穀一千石又捐田入太極書院爲歲時講饗之需七子思魁萬厯戊子出穀一千二百石助賑又置義田贍族俱經奏題欽賜七品散官給帑建坊

曾自任自儀俱村前人嘉靖戊子兄弟各輸粟千石賑饑又割田百畝以贍里中虛糧知縣商大節以其事聞各有獎額聶貞襄爲作尙義碑記

聶齊二雙溪人嘉靖間輸穀助賑凡貧不能殮者施棺以塋屢經上憲褒獎勒名旌善亭中

徐瑞北坊廟背人嘉靖甲午歲大饑瑞受質出貸不責重
息乙丑春饑猶甲午貸復如之先是流寇攻縣城鄉民
入城避者隘不能容瑞首出數百金倡擴城之議宸濠
不軌助糗馬急公前後知縣咸禮爲鄉賓子祐官提舉
有聲

陳文珍北坊衙背人常逆濠叛首倡義舉郡守伍文定旌
其賢子壁賜嘉靖庚子甲辰歲大饑兩次助賑知縣凌
儒扁以尙義

劉籌字昭密以德壽膺冠服父泰有隱德籌幼穎異受尙
書於伯兄繼例授都司掾當路者以儒吏重之時盜起
江南都司兵務倥偬悉以委籌勤勞不復自恤以持法